

志林新書

四明張氏約園開雕

序

志林新書一卷晉虞喜撰喜有論語讚注已著錄經編  
此書隋志載三十卷唐志二十卷今佚明陶宗儀輯十  
三節入說郛茲據校訂更採三國志注文選注史記索  
隱正義太平御覽等書補錄三十七節合爲一卷書多  
雜論故事長於考據如齊斧之齊當爲齋謂師出齋戒  
入廟受斧犧樽作犧牛形之類可訂經注諸書引並作  
志林加題新書依隋唐志目也歷城馬國翰竹吾甫

志林新書

晉四明虞 喜仲寧撰

建武二十四年南郡男子獻銅鼓背有銘及吳時於江

水中得鐘上有百餘字募求讀者竟無人曉徐堅初學記卷十六

先引吳時至人曉後引建武至有銘說郛因之案太平御覽卷八百十三引作一節據訂正唯建武二十四年

作建武中吳時下說於字末句作人莫識者依初學記改

東海之魚墜一鱗崑崙之水落一葉聖人皆能知之也

太平御覽卷九百五十三引無之也二字

孫休銳意於典籍欲畢覽百家之言大好射雉春夏之

志林新書

一四測藏書  
約圖刊本

閒常晨出夜還惟此時捨書

諸葛恪父瑾長面如驢孫權大會羣臣使人牽一驢人

長檢其面題曰諸葛子瑜也恪跪對乞請筆益兩字續

其下曰之驢舉坐欣笑以驢賜恪

賀齊性奢侈尤好軍事兵甲器械極爲精好干櫓戈矛

鈇爪叉棍弓弩矢箭咸取上材

信安山有石室王質入其室見二童子方對棋看之局

未終視其所執伐薪柯已爛朽遽歸鄉里已非矣案此條與

在叻述異記所載同

夷陵有陰陽石陰石常潤陽石常燥旱則鞭陰石必雨  
久雨鞭陽石則止

王琰自言我嗜酒肉好書善畫人有美酒珍食精紙何  
所不可

王琰遇鬼物言我見蔡邕作仙人飛去飛來甚快樂也  
李子長欲知囚情以梧桐爲人蘆葦爲牢當罪木囚不  
動或寃木囚乃奮

鍾繇問蔡邕筆法于韋誕誕惜不與乃自搥胸嘔血曹  
操以五靈丹救活之及誕死繇令人盜其墓遂得其法

志林新書

一四明叢書

約園刊本

洞庭湖神過客祈禱必驗分風送船

以上就陶宗儀說郛本校錄

天子六璽者文曰皇帝之璽皇帝行璽皇帝信璽天子  
之璽天子行璽天子信璽此六璽所封事異故文字不

同

三國吳志孫破虜討逆傳裴松之注

堅有五子策權翊匡吳氏所生也子朗庶生也一名仁

上同

初順帝時琅邪宮崇詣闕上師于吉所得神書於曲陽  
泉水上白素朱界號太平青履道凡百餘卷順帝至建  
安中五六十歲于吉是時已百年年在菴悼禮不加刑

又天子巡狩問百年者就而見之敬齒以親愛聖王之至教也吉罪不及死而暴加酷形是乃謬誅非所以爲美也喜推考桓王之薨建安五年四月四日是時曹袁相攻未有勝負按夏侯元讓與石威則書袁紹破後也書云授孫賁以長沙業張津以零桂此爲桓王於前亡張津以後死不得相讓譬言津之死意矣同

土行以辰臘得其數矣土成於戊而以未祀其義非也土生於未故未爲坤初是以月令建未之月祖黃精於郊祖用其盛今祖用其始豈應運乎吳志吳主傳注

志林新書

三四明叢書  
約園刊本

吳之創基邵爲首相按孫邵也史無其傳竊嘗怪之嘗倚劉聲叔聲叔博物君子也云推其名位自應立傳項峻吳孚時已有筆記此云與張惠恕不能章氏作史蓋惠恕之黨故不見書同上

吳主糾駁郊祀之奏追貶匡衡謂之俗儒凡在見者莫不慨然以爲統盡物理達於事宜至於稽之典籍乃更不通毛氏之說云堯見天因邵而生后稷故國之於邵命便事天故詩曰后稷肇祀庶無罪悔以迄于今言自后稷以來皆得祭天猶魯人郊祀也是以棧樸之作有

積燎之薪文王郊黜有明文匡衡豈俗儒而枉之哉文王雖未爲天子然三分天下而有其二伐崇滅黎祀伊奔告天旣棄殷乃眷西顧太伯三讓以有天下文王爲王於義何疑然則匡衡之奏所未盡按世宗立甘泉汾陰之祠皆出方士之言非據經典者也方士以甘泉汾陰黃帝祭天地之處故孝武因之遂立二時漢治長安而甘泉在北謂就乾位而衡云武帝居甘泉祭於南宮此旣誤矣祭汾陰在水之雎呼爲澤中而衡云東之少陽失其本意此自吳事於傳無非恨無辨正之辭故

志林雜書

四十四卷  
約開刊本

矯之云

吳志吳主傳注太平御覽卷五百二十七引略

案會稽貢舉簿建安十二年到十三年闕無舉者云府君遭憂此則吳后以十二年薨也八年九年皆有貢舉

斯甚分明

吳志妃嬪傳注

初權病篤召恪輔政臨去大司馬呂岱戒之曰世方多難子每事必十思恪答曰昔季文子三思而後行夫子曰再思可矣今君令恪十思明恪之劣也岱無以答嘗時咸謂之失言虞喜曰夫託以天下至重也以人臣行主威至難也兼二至而管萬機能勝之者鮮矣自非採

納羣謀詢于芻蕘虛己受恆若不足則功名不成勳績莫著況呂侯國之元者智度經遠而甫以十思戒之而便以示劣見拒此元遜之疏乃機神不俱者也若因十思之義廣諮當世之務聞善速於雷動從諫急於風移豈得隕首殿堂死凶豎之刃世人奇其英辯造次可觀而哂呂侯無對爲陋不思安危終始之慮是樂春藻之繁華而忘秋實之甘口也昔魏人伐蜀蜀人禦之精嚴垂發六軍雲擾士馬環甲羽檄交馳費禕時爲元帥荷國任重而與來敏圍棋意無厭倦敏臨別謂禕君必能

志林

五

約園刊本

辦賊者也言其明略內定貌無憂色況長寧以爲君子臨事而懼好謀而成者且蜀爲蕞爾之國而方向大敵所規所圖惟守與戰何可矜己有餘晏然無戚斯乃性之寬簡不防細微卒爲降人郭修所害豈非兆見於彼而禍成於此哉往聞長寧之甄文偉今觀元遜之逆呂侯二事體同故並而載之可以鏡譏於後永爲世鑒

吳志

諸葛恪傳注

古人鑄刀以五月丙午取純火精以協其數也

初學記卷二十

二虞世南北堂書鈔卷一百三十二太平御覽卷三百四十五



嘽曰天帝醉秦暴金誤隕石墜謂秦穆公夢天帝奏鈞

天樂已有此嘽

文選張平子西京賦李善注

韋昭云屏翳雷師喜云雨師

文選曹子建洛神賦注

齊斧之齋當爲齋側皆切凡師出必齋戒入廟受斧故

云齋也

文選陳孔璋檄吳將校部曲注引齊側皆切無當作齋三字太平御覽卷七百六十三有當作

齋無側皆切三字校補

古者主天官者皆上公非獨遷

史記五帝本紀張守節正義引虞喜

古者主天官者上公自周至漢其職轉卑然朝會坐位

猶居公上尊天之道其官屬仍舊名而稱之也

史記太史公自

志林書

六四明叢書  
約原刊本

敘張  
正義

改曆於明堂班之於諸侯羣神之主故曰諸臣受紀

百二者得百之二言諸侯持戟百萬秦地險固百倍天

下故云得百一焉言倍之也蓋言秦兵當二百萬也齊

得十二亦如之但立文相避故云十二言餘諸侯十萬

齊地形號亦倍於他國當二十萬人

史記高祖本紀司馬貞索隱引虞喜

醴是江沅之別流而醴字作澧也

史記夏本紀索隱又惠景閒侯者年表索

隱

總言吳別言荆者以山命國也今西南有荆山在陽羨

昇賈封吳地而號荆王指取此義

史記荆燕世家引姚察按虞喜云

史記淮南衡山王傳左吳等案輿地圖輿地圖漢家所

畫非山遠也

史記淮南衡山王傳案隱

齊有稷山立館其下以待游士

史記齊敬仲世家案虞引虞喜云

史記南越尉佗傳乃置酒介漢使者權介者因也欲因

漢使者權誅呂嘉也韋昭以介爲恃介者閒也以言閒

恃漢使之權意卽得矣然云恃爲介胄則非也

史記南越尉佗

傳案隱

南公者道士識廢興之數知亡秦者必於楚漢書藝文

志林新書 七 四明叢書 約園刊本

志云南公十三篇六國時人在陰陽家流

史記項羽本紀正義

馬服馬兵之首也號曰馬服者言能服馬也

史記趙世家正義又

范唯蔡澤傳案隱

馬陵在濮州鄆城縣東北六十里有陵澗谷深峻可以

置伏按龐涓敗卽此也

史記魏世家正義又秦本紀正義

大鈞造化之神鈞陶萬物授羣形者也

史記黃誼傳案隱

相如欲滅五帝之一以盈漢然以漢爲五帝之數自然

是登於三王之上也今本滅或爲咸

史記司馬相如傳案隱

春秋以人事通天道是推見至隱也易以天道接人事

索隱之明顯也

同上

馮唐面折萬乘何言不懼主臣爲驚怖其言益著也又魏武謂陳琳曰卿爲本初檄何乃上及父祖琳曰主臣

益明主臣是驚怖也

史記馮唐傳索隱

傾蓋者道行相遇駟車對語兩蓋相切小故之義

文選長安

有狹斜行注

黃帝與蚩尤戰於涿鹿之野蚩尤作大霧彌三日軍人皆惑黃帝乃令風后法斗機作指南車以別四方遂擒

蚩尤

太平御覽卷十五

志林新書

八四明叢書

約說刊本

今錢塘江口折山正居江中潮水投山下折而曲一云江有反濤水勢所歸故云浙江史記云江水至會稽山

陰爲浙江是也

太平御覽卷六十五

江於彭蠡分爲三是卽韋說爲謬按江自太湖出於海

屈曲七百里出鱸卽吳左慈爲王釣者

同上

贛榆縣有始皇碑潮水至則加其上三文去則見三尺

行有十二字

太平御覽卷五百八十九

先代不識犧樽但云沙畫之飾以翠羽至魏明帝時魯郡地中得齊大夫子尾送女器有犧樽作犧牛形自爾

乃知其形矣

太平御覽卷七百六十

景公爲長府有風猶作不已晏子歌曰禾有穗兮不得

穫秋風至兮盡零落歌終而流涕公乃止之

太平御覽卷八百二

十四引虞喜志林說晏子說晏子是篇名

南方有鱷魚喙長八尺秋時最甚人在舟邊者魚或出

頭食人故人持戈於船側而禦之

太平御覽卷九百三十八

宋祭酒云可以行禦者爲械謂鎧甲兜鍪也

太平御覽卷三百五

六十

志林新書

九

四明叢書  
約園刊本

志林新書

序

廣林一卷晉虞喜撰隋志志林新書三十卷下云梁有  
廣林二十四卷又後林十卷虞喜撰亡唐書藝文志有  
虞喜志林新書二十卷又後林新書十卷不載廣林佚  
已久矣攷杜佑通典引虞喜說凡二十節除標題釋滯  
通疑八節明標廣林者一節他皆稱虞喜曰循其文義  
皆雜論禮服知爲一書語引者舉一例餘不標廣林者  
省文也茲據輯錄釋滯通疑二書別爲編次附著廣林  
後焉歷城馬國翰竹吾甫

廣林

晉四明虞 喜仲寧撰

譙周五經然否曰小記曰庶子不爲長子斬不繼祖與禰也此但別庶子而下言不繼祖謂庶子身不繼禰故其長子爲不繼祖合而言之也難曰禮文三發二言繼祖一言連禰如但繼禰則應三年何緣須祖煩而失要合子於父舍徑就迂非事實也然則繼祖者必繼禰繼禰者必繼祖今連禰於祖以己繼之是繼祖者得三年繼禰者不得也至於連禰於祖以別高曾之祖故因禰

廣林

一四明叢書

約園刊本

以繼祖別嫌也

杜佑通典卷八十八引虞喜廣林

七廟不始於周伊尹已言七代之廟矣成王六年制禮七廟亦已有見數文王爲祖武王爲禰祖非遠廟也周官宗廟而職曰宗祧周公不稱祖禰爲遠祧也當須逆數成然後廟得別出不可於成王之代以文武逆云爲

遷主所藏矣

通典卷四十七引虞喜

永和二年有司奏征西章郡潁川京兆四府君毀主藏處虞喜曰漢代章元成等以毀主瘞於園魏朝議者云應埋兩階閒且神主本在太廟若今別室而祭則不如

永藏又四君無追號之禮益明應毀而祭

通典卷四十八

請瘞

於廟兩階之間左氏說古者先王日祭於祖考月祀於

高曾時享及二祧歲祫及壇墀終禘及郊宗石室但當

時議所處石室未有準的喜請以夾室中

通典卷五十七  
唐司勳員外

駟裴樞引虞喜  
當是一節文

陸譙王之弟兄俱封今求各立稱廟下太常議虞喜曰

譙與中山俱始封之君父非諸侯尊同體敵無所爲厭

並立稱廟恩情兩伸荀議是也詔書所喻恐非禮意今

上祭四代自以諸侯位尊得申其恩祭及四代不論毀

廣林

一四朝禮書  
約園刊本

且不毀爲始封之君則譙王雖承父統稱廟亦應在毀

之例不應長立也又安平獻王自爲始封諸子雖別封

而同爲諸侯諸侯尊同故不復各立此則公子爲諸侯

不得立禰廟也而譙王父非諸侯使與諸侯同列不得

並祭或雖曰禮庶子不祭禰明其宗也若俱得祭父則

並統二嫡非明其宗也答曰若宗子與庶子位俱爲士

禰已有廟無爲重設與公子爲諸侯不立禰廟同也若

尊卑不同則已恩得施並祭無嫌也禮大夫三廟太祖

百代不遷者也使大夫之後有庶統爲諸侯者當上祭

四代四代之前不得復祭若當尊則大夫太祖爲廢其祀以此推之明得兼祭一者恩得伸隨代而毀一者繼太祖百代不替也徐禪曰愚等謂尊祖敬宗禮之所同若列國秩同則祭歸嫡子所以明宗也嫡輕庶禮有兼享所以致孝也今譙王爲長旣享用重祿中山之祀無以加焉二國兩祭禮無所取詔書禁之是也詔稱安平獻王諸子並封不可各令立廟是荀暢之義矣然虞謂中山父非諸侯而祭更闕疑如禮意也虞徵士答衛將軍虞喜以嫡爲大夫庶爲諸侯禮重應各立廟禪謂

虞林

二四明禮書  
約園刊本

爲克矣喜曰尊同體敵恩情兩申兄弟俱始爲諸侯命數無降今士庶始封之君尙得上祭四代不拘於嫡以實異之況已尊同五等更嫌不得其均用豐禮並祭四代所以寵之理非僭宗此蓋先王以孝理天下肅恭明祀之達意也昔周公有王功魯立文王之廟鄭有平王東遷之勳特令祖厲是爲榮之非計享之祭在於周室魯鄭豈得過之哉

通典卷五十  
一引虞喜

孔胡問虞喜曰愚謂庶子不得如禮服其私親者以爲身爲宗主奉脩祭祀以別尊卑故也凡婦服夫黨皆降



一等惟公子厭至尊故其妻從輕而服重盡禮於皇姑  
則人情所許愚謂不得以公子爲例喜答曰謂庶子爲  
人後上繼祖禰此則厭於承重不得伸其私情故爲所  
生服止總麻具婦當依公子之妻盡禮皇姑從禮服重  
不繫於夫

通典卷五十  
九引虞喜

漢初或云三老答天子拜遭王莽亂法度殘缺中興定  
禮儀羣臣欲令三老答拜城門校尉董鈞駁曰所以養  
三老以教事父母之道也若答拜是使天下答子拜也  
虞喜曰漢儀於門屏交禮交禮卽答拜矣中興謬從鈞

廣林

四  
約園刊本

議後已革之甚得禮意

通典卷六十  
七引虞喜

魏征東長史吳綱亡入吳妻子留在中國於吳再娶吳  
亡綱與後妻并子俱還並存虞喜議曰法有大妨禮無  
二嫡趙姬以君女之尊降身翟婦著在春秋此吳氏後

妻所宜軌制

通典卷六十  
八引虞喜議

虞喜答魏顥云斬縗因喪之稱非爲終三年也按禮爲  
母喪縗四升而父喪旣虞縗六升此爲齋制不復斬也  
今代人旣葬之後無改易惟小祥而變故緝在此月父  
母情等服俱三年父斬縗母緝縗以別尊卑斬止三月

未爲怪也女子出待既虞受以斬纒之受非更斬也

通典

卷八十七  
引虞喜

又答曰父爲長子斬纒母爲齋纒若不言其不恐母與父俱當斬纒所以別耳非謂明終斬之議耶

同上

或問曰喪服經傳爲舊君仕焉而已者鄭注曰仕焉而已謂老若廢疾而致仕者也今致仕而廢疾理得同不喜正之曰廢疾沈淪罔同人伍不論臣道齋纒三月可也老而致仕臣禮旣全恩紀無替自應三年不得三月傳言仕焉而已者謂旣仕而去義同人伍耳

通典卷八十九引虞

虞林

五

四明叢書

約園刊本

喜

孔珣問虞喜曰假使玄孫爲後玄孫之婦從周曾孫之婦尙存纒總麻近輕遠重情實有疑虞喜答曰有嫡子者無嫡孫又若爲宗子母服則不服宗子婦以此推之玄孫爲後若其母尙存玄孫之服猶爲庶不得傳重傳重之服理當在姑矣

通典卷九十六引虞喜

按賀循喪服記云父死未殯而祖父死服祖以周旣殯而祖父死三年此謂嫡子爲父後者也父未殯服祖以周者父屍尙在人子之義未可以代重也喜以爲二禮

無有此條殆是脫失祖父正統非爲旁親若父死未殯服祖但周則祖無倚廬傳重在誰假使祖爲國君已爲嫡孫祖沒已嗣此受封於祖祖之羣臣服祖三年而已爲嫡孫則服一周齋縗送葬斬杖無主雖云屍在未忍如大父何

通典卷九十  
七引虞喜

廣林

六四  
明發書  
約園刊本

廣林

序

釋滯一卷晉虞喜撰隋唐志載喜所著書無此書之目杜佑通典引三節題曰虞喜釋滯喜別撰此而史志佚之耶抑其爲志林廣林後林篇目之一耶疑不能明仍依通典原題錄存一種其說大夫降其旁親爲士者一等云爲據諸侯成例包於大夫以相兼通以滕伯文周代諸侯而從殷禮識義明通惟駁鄭氏禮注再祭練祥其間之祭不同時而除喪以時爲日庾蔚之譏其不近人情分別觀之可已歷城馬國翰竹吾甫

釋滯序

四明叢書  
鈞圖刊本

釋滯

晉四明虞 喜仲寧撰

漢魏以來先儒論禮及喪服變除者皆言大夫降其旁親爲士者一等時人或班駁行之自謂合禮按喪服經傳始封之君不臣諸父兄弟封君之子不臣諸父封君之孫盡臣之矣夫始封之君尙服諸父昆弟而始爲大夫便降旁親尊者就重而卑者卽輕輕重顛倒豈禮意哉然皆有意此爲據諸侯成例包干大夫以相兼通也如此則一代爲大夫不降諸父二代爲大夫不降兄弟

釋滯

一四明叢書

約園刊本

三代爲大夫皆降之古者貴大夫有菜邑繼位不止一身魯之三桓鄭之七穆皆自此也或問曰今大夫雖不繼位亦有三代皆爲大夫者名例相準不當隨古乎答曰古重今輕位無常居使吾處之志不存降

杜佑通典卷九十三

古者不降上下各以其親此殷以前也降殺之禮始之於周然先所未臣不忍卽臣之故爲之服也此當出逸禮採之以爲義滕伯文爲叔父齋綬旣周代諸侯而從殷禮也若殷時諸侯通爾非獨一人指論滕伯欲以何明明其在周遠追於殷引古證今耳

通典卷九十三

喪服小記曰三年而後葬者必再祭鄭玄曰再祭練祥也其間之祭不同時而除喪虞喜曰若如鄭意既祔明月練而祭又明月祥此則葬至祥合爲三月適足爲一時何得言不同時而除練祥皆周之正數再祭爲練祥不得闕而用禫又按袁準云有練無祥失之矣鄭玄言練祥是也余謂喪服既終葬已踰月猶然再祭者存其大制耳此二祭蓋同日而異時時謂日也非三月之時亦一日再祭檀弓曰是日也以吉祭喪祭

疑案疑爲滯字之誤

通典卷一百三引虞喜釋

釋滯

一 綱明義  
約圖刊本

釋滯

序

通疑一卷晉虞喜撰隋唐志並不載杜佑通典與虞喜  
釋滯並引皆論禮服而此則論劉智喪服釋疑以通疑  
名意其因劉書而作如王基毛詩駁韋昭辨釋名之類  
與從通典輯錄五節仍其原題與釋滯比次附廣林之  
後卽以補後林之缺焉可也歷城馬國翰竹吾甫

通疑  
序

四明叢書  
約園刊本

通疑

晉四明虞 喜仲寧撰

劉智釋疑曰親母出則服繼母之黨繼母既卒則不服也虞喜通疑曰縱有十繼母則當服次其母者之黨也

杜佑通典

卷九十五

有問者曰雜記云女君死則妾爲女君之黨服攝女君則不爲先女君之黨服此爲妾子爲徒從妾身爲屬從於理通不虞喜通疑曰凡稱妾者皆大夫之禮非天子諸侯文也按雜記云女君死則妾爲女君之黨服明屬

通疑

四明叢書  
約園刊本

從也攝女君則不爲先女君之黨服此攝當爲相代攝是謂繼室則妾之後女君也有後女君則不復服先女君之黨者以當服後女君之黨故也

同上

劉智按禮小記云生不及祖父母諸父昆弟而父稅喪子則不智以爲生不相及二文相害必有誤字昆弟相連之語易用爲衍至親並代不得以不相見而無相服之恩也若今生不相及者稅服則父雖已除後生者不得追服也凡不服者不服則父雖稅其子孫無緣服也以此推之弟衍字可知也虞喜通疑曰據文云父稅子



不當其時則服之可知也當時雖服猶生不相見則恩  
義疏不責非時之恩於人以情恕之也若父以他故居  
異邦生已復更居一邦生弟然則例不稅服以生不相  
見故也文上言不及而下有弟字者明生不及相見理  
中可有弟矣已死而兄亦不稅此義兩施非衍也

通典  
卷九

八十

劉智釋疑問云按喪服小記慈母之父母無服孫宜無  
服慈祖母矣又曰慈母與妾母不代祭孫不祭慈祖母  
何服之有智曰禮爲親母黨服爲繼母之黨不服不妨

通鑑

四明叢書  
約園刊本

孫服繼祖母也禮孫爲祖後如子所言妾母不代祭者  
據奉之者身終則止耳豈有妾子先亡孫持喪事而終  
喪便不祭也虞喜通疑云慈母賤雖服之如母而明矣  
若其父先亡已養於祖以祖母之服服之周可也不得  
復傳重三年同於繼祖母也

同上

劉智釋疑曰遇亂離析計父母之年已過百年可終卒  
矣而不得音問計同邑里同年者於其死日便制喪服  
或以爲終身或不許者如何智答曰父母生死未定則  
凶服不宜在身繼祀爲重然則言不宜制服必繼代祀

者吾以爲得之矣凡服喪而無哀容得以不孝議之處  
厭降不得服其親而哀情至者吾得以孝篤稱之虞喜  
通疑曰或以當終身服喪如是曾閔所能僅行非凡人  
之所逮也謂宜三年求之不得乃制服居廬祥禫而除

上同

通疑

三

四明叢書  
約園刊本

通疑